

Evening Dogri (NSD) Bulletin 13-10-2024

आकाशवाणी

खास खास खबरां ...

- 1 राष्ट्रपति द्रौपदी मुर्मू होर अल्जीरिया, मॉरिटानिया ते मलावी दे त्रै मुख्यें दे दौरे लेई खाना होइयां।
- 2 जिनेवा च अंतर संसदीय संघ दी 149मीं बैठक शुरू होआ'रदी ऐ।
- 3 प्रधानमंत्री नरेन्द्र मोदी होरें प्रधानमंत्री गतिशक्ति राष्ट्रीय मास्टर योजना दे त्रै ब'रे मुकम्मल होने पर एहदी सराहना कीती।
- 4 गृहमंत्रालय नै सारे केन्द्रीय मैहकमे ते राज्स सनें केन्द्र शासत प्रदेशों दे प्रशासकें अगगे अपील कीती ऐ जे ओह इस म्हीने दी 24 तरीक गी संयुक्त राष्ट्र दिवस दे मौके पर महत्वै आली ईमारत पर राष्ट्रीय झंडे दे कन्नै संयुक्त राष्ट्र दा झंडा बी लान।
- 5 अज्ज आपदा थमां बचाह करने सरबंधी कुल संसारी ध्याड़ा मनाया जा'रदा ऐ।

<><><><><><>

Prez. Visit

राष्ट्रपति द्रौपदी मुर्मू होर अज्ज बडलै अल्जीरि, मॉरिटीनिया ते मलावी दे त्रै देशों दे दौरे लेई खाना होइयां। उंदा अज्ज भारतीय समें मताबक तकरीबन 9 बजे रातीं अल्जीरिसया पुज्जने दा कार्यक्रम ऐ। भारत दे कुसै बी राष्ट्रपति दी इनें त्रै अफ्रीकी देशों दा एह पैहला दौरा ऐ। इक ब'रे पैहले भारत दी प्रधानता च अफ्रीकी संघ गी जी-20 दा स्थयी मिंबर बनाया गेआ हा। अपनी यात्रा

दरान श्रीमती मुर्मू होर दक्खी बैठकां लांगन ते भारतीय समुदाय दे लोकें गल्लबात करगंन। त्रै दिनें दे दौरे दरान राष्ट्रपति मुर्मू पीपल्स डैमोक्रेटिक रिपब्लिक ऑफ अल्जीरिया दे राष्ट्रपति अब्देल मदवीद ते होर दुए मुख् मुख् लीडरें कन्नै बैठकां लांगन। राष्ट्रपति होर अल्जीरिया दे महत्त्वै आलिणं सांस्कृतिक ते ऐतिहासिक थाहरें पर बी जांगन। उंदा भारत अल्जीरिया आर्थिक मंच गी बी संबोधत करने दा कार्यक्रम ऐ। दौरे दे दुए गेड़ च श्रीमती मुर्मू 16 तरीक गी मॉरिटानिया ते खीरले गेड़ च 17 थमां 19 तरीक तगर मलावी च होंगन। इनें देशें दे दौरे दरान राष्ट्रपति होर इनें देशें दे बड्डे लीडरें कन्ने दक्खी बैठकां लाने दा कार्यक्रम ऐ ते एह्दे अलावा ओ बंज बपार जगत दे लीडरें ते भारतीय समुदाय दे लोकें कन्नै गल्लबात करगंन।

<><><><><><>

Birla – Geneva IPU

लोकसभा अध्यक्ष ओम बिरला होर अज्जै थमां स्विट्जरलैंड दे जेनेवा च रम्भ होआ करदी अंतर-संसदी संघ दी 149मीं बैठक च संसदी शिष्टमंडल दी नुमाइंदगी करै करदे न। एह् बैठक इस म्हीने दी 17 तरीक तगर चलोग। इक सोशल मीडिया पोस्ट च बिरला होरें दस्सेआ जे अपने दौरे दरान ओह् मती अमन रमानदारी ते टिकाउ भविक्ख लेईं साईंस, टेक्नोलाजी ते नमिणं काह्डें दे इस्तेमाल विशे पर सभा गी संबोधित करडन। श्री बिरला होरें दस्सेआ जे ओह् अंतर-संसदी संघ दी फैसला लैने आह्ली परिषदें दी बैठकें च बी हिस्सा लैडन। बिरला होर दुए देसैं दिणं संसदें दे अध्यक्षें कन्नै बी मलाटी करडन। इंदे अलावा ओह् जेनेवा च भारती समुदाय दे लोकें कन्नै बी मिलडन। शिष्टमंडल च राज्यसभा दे उप-सभापति हरिवंश सिंह, दौनें सदनें दे महासचिव ते नेकां सांसद शामिल न।

<><><><><><>

MAHA Sharad Pawar

राष्ट्रवादी कांग्रेस पार्टी प्रमुख शरद पवार होरें आखेआ जे महाराष्ट्र दे लोक राजनीतिक बदलाव आस्तै उत्सुक न। उनें विश्वास जाहर कीता जे एह भावना औंदे राज्य विधानसभा चुनाएं दे नतीजे च लब्धोग। ओह मुंबई च महा विकास अघाडी गठबंधन दे सांझे संवाददाता सम्मेलन च बोला'रदे हे। पवार होरें दावा कीता जे राज्य प्रशासन जिसे कदे मुख् च सारे कोला अच्छा मन्नेआ जंदा हा, महा युक्ति शासन तैह्त ओहदा मनोबल डिग्गी गेआ ऐ। गठबंधन नै कनून बवस्था दी स्थिति महिला सुरक्षा, भ्रष्टाचार, करसानें दी आत्महत्या, बेरोजगारी ते महाराष्ट्र थमां उद्योगें दे स्थानांतरण सनें बक्ख-बक्ख मुद्दे पर सत्तारूढ महा युक्ति सरकार गी नुक्ताचीनी कीती। संवाददाता सम्मेलन च साबका मुख्मंत्री उद्धव ठाकरे ते पृथ्वीराज चव्हाण सनें केई होर नेता शामिल हे।

<><><><><><>

PM-Gati Shakti

प्रधानमंत्री नरेन्द्र मोदी होरें प्रधानमंत्री गतिशक्ति राष्ट्री मास्टर प्लान दे त्रै ब'रे मुकम्मल होने पर एहदी सराहना करदे होई आखेआ जे इस योजना कन्नैभारत दे मुंडले ढांचे च बदलाव ते संपर्क च बाद्धा होआ करदा ऐ, जेहदे कन्नै विकसित भारत दा सुखना सच्च होआ करदा ऐ। इक सोशल मीडिया पोस्ट च बी श्री मोदी होरें आखेआ जे गतिशक्ति ने मल्टी मॉडल संपर्क च महत्वै आला बाद्धा दर्ज कीता ऐ ते बक्ख-बक्ख क्षेत्रें दे तेजिया कन्नै ते कारगर विकास गी जकीनी बनाया ऐ। उनें आखेआ जे बक्खरे-बक्खरे हितधारकें दे इक मिक्क होने करियै लाजिस्टिक तंत्र मजबूत होआ ऐ, होने आली देरी च कमी आई ऐ ते मते सारे लोकें लेई नमें मौके पैदा होए न। प्रधानमंत्री होरें इब्बी आखेआ जे गतिशक्ति कन्नै विकसित भारत दे सुखने गी सच करने च रफ्तार देआ'रदी ऐ ते एहदे कन्नै तरक्की, उद्यमिता ते नवाचार गी बढ़ावा थ्होग।

<><><><><><>

PM RSS

प्रधानमंत्री नरेन्द्र मोदी होरें अज्ज राश्ट्रीय स्वयंसेवक संघ आरएसएस दे 100में ब'रे च दाखल होने पर ममारकबाद दितती ऐ। सोशल मीडिया पर पोस्ट राएं श्री मोदी होरें इक एतिहासिक उपलब्धि पर सब्बने स्वयंसेवकें गी बधाई दित्ती ऐ। श्री मोदी होरें इब्बी आखेआ जे मां गीारती बक्खी एह् समर्पण ते संकल्प देसैं दी हर पीढी गी प्रकरत करोग ते विकसित भारत दे निर्माण च नमीं ऊर्जा दा संचार करोग।

<><><><><><>

WB Doctors

पच्छम बंगाल जूनियर डाक्टर्स फ्रंट WBJDF दे 7 डाक्टर आर.जी.कर मैडिकल कालेज ते अस्पताल दे डझक्टर कन्नै दुष्कर्म ते हत्या कन्नै तुड़े दे मामले च 10 मंगें गी लेइयै अजें बी भुक्ख हड़ताल पर न। इंदे चा 2 डझक्टें दी हालत बिगड़ने मगरा उनेंगी अस्पताल च दाखल कीता गेआ ऐ। भारतीय चिकित्सा संघ पच्छम बंगाल इकाई नै प्रतीकात्मक भुक्ख हड़ताल आयोजित कीती ऐ। आर.जी.कर पीड़िता दे माता पिता बी भुक्ख हड़ताल पर न। भारतीय जनता पार्टी दे प्रदेश अध्यक्ष सुकांत मजूमदार होरें आखेआ जे बीजेपी दी राज्य इकाई ममता बनर्जी सरकार दे खलाफ जूनियर डाक्टर्स फ्रंट दे विरोध प्रदर्शन गी पूरा समर्थन दिंदी ऐ।

<><><><><><>

MHA-United Nation

गृहमंत्रालय नै सब्बै केन्द्री मैह्कमे ते राज्यें सनें केन्द्र शासत प्रदेशों दे प्रशासने अग्गे अपील कीती ऐ जे ओ इस म्हीने दी 24 तरीक गी संयुक्त राश्ट्र दिवस दे मौके पर महत्वै आलिणं सब्बने ईमारतें पर राश्ट्रीय झंडा बी लान। मंत्रालय आस्सेआ जारी कीते गेदे निर्देश च आखेआ गेआ ऐ जे राश्ट्रपति भवन, उपराश्ट्रपति हुंदा घर, संसद भवन, सुप्रीम कोर्ट, राज भवनें, राज निवासें,

विधान परिषद भवनें, विधानसभाएं ते होई कोर्टे पर संयुक्त राष्ट्र दा झंडा नेई लाया जाग।



Poland

पौलेंड दे प्रधानमंत्री डोनाल्ड टस्क होरें मुख च गैर कनूनी अप्रवासन गी रोकने आस्तै किश शरण अधिकारें गी अस्थायी तौर कन्नै निलंबित करने दी घोषणा कीती ऐ। वारसॉ च सिविक प्लेटफार्म पार्टी दे इक सम्मेलन च प्रधानमंत्री टस्क होरें स्वीकारने दी जरूरता पर जोर पाया। उनें आखेआ जे शरण दे अधिकार दा दुश्मन मुखै ते मानव तस्करें आस्सेआ गलत इस्तेमाल कीता जा'रदा ऐ।



Delhi Police

दिल्ली पुलिस दी अपराध शाखा नै देयाली थमां पैहले राजधानी च इक जहार 323 किलोग्राम अवैध पटाखे दी बड्डी खेप जब्त कीती ऐ। प्रतिबंधित पटाखें दी आपूर्ति करने आले इक डरैवरं सनें त्रै लोकें गी गिरफ्तार कीता गेआ ऐ। पुलिस नै बाहरी दिल्ली दे बापरोला ते किराडी ग्रां दे 2 गोदामें पर इस सिलसिले च छापेमारी कीती।



Kullu Dussehra

हिमाचल प्रदेश दे कुल्लू च अंतर्राष्ट्रीय दशैहरा समारोह अज्जै थमां शुरू होआ'रदा ऐ। भगवान रघुनाथ दी विशससल रथ यात्रा कन्नै इक हफते तगर चलने आले कुल्लू दशैहरे दी औपचारिक शुरुआत होग। इस दरान कुल्लू दे

देवता भगवान रघुनाथ हुंदी मूर्ति गी सुल्तानपुर च उंदे मंदर थमां ठालपुर मैदान जैता जाग। इत्थुआं मूर्ति गी रथ च रक्खियै उंदे अस्थाई शिविर तगर लेई जाया जाग। इत्थें ओह् अगले 7 दिनें तगर विराजमान राँहगन। देवी हिडिम्बा सनें देर दराज दे क्षेत्रें थमां लगभगत 3 सौ देवी देवताएं दी मूर्तिएं गी मेले आस्तै कुल्लू आन्नेआ गेआ ऐ। कुल्लू दशैहरा समारोह दरान 25 मुल्ल्खें दे सांस्कृतिक समूह अपनिएं प्रस्तुतियां देंगन ते बक्ख-बक्ख ,खेड्ड प्रतियोगिताएं दा बी आयोजन कीता जाग। 19 अक्तूबर गी अंतर्राष्ट्रीय दशैहरा समारोह दे खीरले दिन कुल्लू कार्निवाल आयोजित कीता जाग।

<><><><><><>

WB Durga

पच्छम बंगाल च दुर्गा पूजा दे समापन मगरा मूर्तिएं दा विसर्जन शुरू होई गेआ ऐ। कल बी किश घेरलू पूजा दी मूर्तिएं दा विसर्जन कीता गेआ हा। प्रशासन नै विसर्जन आस्तै महत्वपूर्ण नदिएं ते तलाएं दे कंडे पर सुरक्षा दे लोडचदे इंतजाम कीते दे न। वाजे कदमतला घाट, दोई घाट, जर्जस घाट ते होरने घाटें गी मूर्ति विसर्जन आस्तै सजाया गेआ ऐ। कुसै बी हादसे गी रोकने आस्तै नदी यातायात पुलस इलाके च गश्त करा'रदी ऐ।

<><><><><><>

International Disaster Day

अंतर्राष्ट्रीय क्रोपी जोखिम शमण दिवस अज्ज समूलचे विश्व च मनाया जा करदा ऐ। इस ध्याडे दा मकसद समूलची दुनिया इस बारे जागरूकता फलाना ऐ। संयुक्त राष्ट्र दे महासचिव एंतीनियो गुतरेप होरें जलवायु परिवर्तन गुतरेस होरें जलवायु परिवर्तन कन्नै होने आलिं क्रोपिं थमां बच्चें गी बचाने लेई अंतर्राष्ट्रीय पैहल दी अपील कीती ऐ। इस मौके री गुतरेस होरें जोर देइयै आखेआ जे समाज ते अर्काबवस्था दे अलावा टकोहदे तौरा पर बच्चें पर क्रोपिं दा

विनाशकारी असर पौंदा ऐ, की जे इंदे करियै उंदी पढाई लखाई, सेहत ते सुरक्षा पर माड़ा असर पौंदा ऐ। इस ब'रे दी सिरलेख ऐ क्रोपी मुक्त भविक्ख लेई अगली पीढ़ी दा सशक्तिकरण एह घ्याड़ा वैश्विक सतह पर क्रोपिएं कन्नै जुड़े दे खतरे गी घट्ट करने च शिक्षा दी महत्वै आली भूमका पर बी लोह पांदा ऐ।

<><><><><><>

India UNICEF

संयुक्त राष्ट्र बाल कोष – यूनीसेफ नै आखेआ ऐ जे भारती सप्लायर वैश्विक सतह पर बच्चें दे संगठन ताई सेहत ते रसद मदाद दे मामले च त्री थाहरै पर ऐ। भारती कारोबारियें वैश्विक सतह पर कीते जाने आहले भलाई बेहतरी दे कम्में ताई यूनीसेफ गी तकसीफ 6 बिलियन डॉलरें दी लागत आहलियें चीजें—बस्तें गी उपलब्ध करोआया ऐ। भारत दी पैहली सरकारी जात्तरा करने आहली यूनीसेफ दी आपूर्ति विभाग दी निदेशक लीला पक्काला होरें आखेआ जे बच्चें लेई जीवन रक्षक चीजें ते सेवा गी मुहैया करोआने आहला भारत दुनिया भरै दे बच्चें ताई यूनीसेफ दियें कम्में—कार्रवाइएं दा महत्वै आहला हिस्सा ऐ। उनें गलाया जे यूनीसेफ उंदे जोगदान गी महत्व दिंदे होई सराहना करदा ऐ।

<><><><><><>

T20 Cricket World Cup

महिलाएं दे टी20 क्रिकेट विश्व कप दे मुकाबलें च अज्ज गुप—ए दे इक मैच च शारजाह क्रिकेट स्टेडियम च भारत दा मुकाबला अस्ट्रेलिया कन्नै होग। भारत मैच जित्तियै सेमीफाईनल च अपनी थाहर पक्की करने दी पूरी कोश्ट करोग। मैच भारती समें मताबक स'झां साड्ढे 7 बजे शुरु होग। गुप—ए च न्यूजीलैंड बी दुई थाहरै आस्तै भारत कन्नै इस द्रौड़ च शामिल ऐ। दौनें टीमें दे 4—4 अंक न।

ग्रुप-बी च दक्खन अफ्रीका 6एं अंके दे कन्नै सूची च सब्बने शा उप्पर बने दा ऐ जेल्ले के 4 अंके कन्नै वेस्टइंडीजघ दुई थाहरै पर ऐ।

<><><><><><>

Asia T.T

टेबल टेनिस च भारत दी शीर्ष महिला जोड़ी अयहिका मुखर्जी ते युतीर्था मुखर्जी नै कजाकिस्तान दे अस्ताना च एशियाई टेबल टेनिस प्रतियोगिता च मुख आस्तै पैहला तगमा जित्तिथै इतिहास रची दित्ता ऐ। भारतीय जोड़ी ने इस प्रतियोगिता च कैह दा तगमा जित्तेआ। भारतीय जोड़ी नै सैमीफाइनल च जापान दी जोड़ी गी 3-0 कन्नै हराया। दुनिया च 15मीं थाहर रखने आली भारतीय जोड़ी नै क्वार्टर फाइनल च कोरिया गणराज्य दी जोड़ी गी 3-1 कन्नै हराया हा।

<><><><><><>

Assam Earthquake

असम च अज्ज बडलै 4.2 तीव्रता आला भूंचाल दे झटके मसूस कीते गे। एहदा मुख केन्द्र असम दे मध्य क्षेत्र च हा। हालांके अजे तगर भूंचाल करी कुसै दे बी हताहत होने दी जानकारी नेई ऐ। आधिकारिक आंकड़े मूजब ब्रहमपुत्र नदी दे उत्तरी तः पर स्थित उदलगुड़ी जिले च अज्ज बडलै 7 बज्जियै 47 मिंटे पर भूंचाल दे झटके मसूस कीते गे न। केन्द्र शासत प्रदेश जम्मू कश्मीर दे डोडा जिले च बी अज्ज 4.5 तीव्रता दा भूंचाल आया। एहदा केन्द्र गंदोह हा। बडलै 6 बज्जियै 14 मिंट पर भूंचाल दे झटके मसूस कीते गे।

<><><><><><>